



Broj: 03/1-50-14-7-12- 7/15
Sarajevo, 8.12.2015.

**PREDMET: Informacija o posjeti članova Zajedničke komisije za odbranu i sigurnost
BiH poligonu Oružanih snaga BiH „Odvažna Barbara“ u Glamoču,
21.10.2015.**

Članovi Zajedničke komisije za odbranu i sigurnost BiH (u daljnjem tekstu: ZK) posjetili su 21.10.2015. poligon Oružanih snaga BiH „Odvažna Barbara“ u Glamoču.

U delegaciji ZK bili su: Borislav Bojić, prvi zamjenik predsjedavajućeg, Borjana Krišto, druga zamjenica predsjedavajućeg, i Željko Grubešić, stručni savjetnik, koji su na poziv zamjenika ambasadorice Sjedinjenih Američkih Država u Bosni Hercegovini Paul Horowitz boravili u terenskoj posjeti poligonu za uništavanje nestabilne municije „Odvažna Barbara“ u Glamoču.

Tom prilikom predstavnici američke kompanije „Sterling international“ i pripadnici Oružanih snaga BiH koji su neposredno angažirani na poslovima uništavanja municije i minsko - eksplozivnih sredstava na ovom poligonu upoznali su članove rukovodstva Zajedničke komisije za odbranu i sigurnost BiH s aktivnostima koje se provode na navedenoj lokaciji, kao i na lokaciji za skladištenje municije i minsko-eksplozivnih sredstava „Gladna brda“ kod Glamoča.

Dio ove radne posjete bila je i praktična demonstracija uništavanja nestabilne municije na poligonu „Odvažna Barbara“, kojoj su, osim članova rukovodstva Zajedničke komisije za odbranu i sigurnost BiH, prisustvovali i zamjenik ministra odbrane BiH Emir Suljagić, general-majori Husein Tursunović i Mirsad Ahmić, te zamjenik ambasadorice SAD-a u BiH Paul Horowitz i njegovi saradnici.

U razgovoru s pripadnicima Oružanih snaga BiH i predstavnicima kompanije „Sterling international“, koja je zadužena za provođenje uništavanja nestabilne municije na lokaciji „Odvažna Barbara“ u Glamoču, Borjana Krišto i Borislav Bojić su se interesovali za dalji tok projekta koji se realizira u skladu s Tehničkim sporazumom između Vijeća ministara BiH i Vlade SAD-a.

Zamjenik predsjedavajućeg
Zajedničke komisije

Borislav Bojić

Dostavljeno:

- naslovu
- a/a